



Arkivnr: 2014/13889-129

Saksbehandlar: Eva Vinjevoll

Saksframlegg

## Saksgang

Utval	Saknr.	Møtedato
Fylkestrafikksikringsutvalet i Hordaland		26.02.2019

## Årsrapport 2018 - Fylkestrafikksikringsutvalet

### Samandrag

Fylkestrafikksikringsutvalet (FTU) hadde fem ordinære møte, og to ekstramøte i 2018. Det var mykje aktivitet i regi av FTU i 2018. FTU hadde i 2018 eit budsjett på fem millionar.

I 2018 vart det gitt tilsegn på nesten 2,9 millionar gjennom dei tre tilskotsordningane til FTU, noko som har ført til stor aktivitet i heile fylket. Til no er 21 av 39 tiltak gjennomført, og det har blitt utbetalt omlag 1,3 millionar gjennom tilskotsordningane. Tilskotsmottakarane har to år på å gjennomføre, så det resterande beløpet er overført til 2019. I tillegg har FTU brukt pengar på å stimulere til aktivitet gjennom Trygg Trafikk, trafikksikringshallen og gjennom godkjeningsordninga «Trafikksikker kommune». Det vart arrangert trafikksikringskonferanse i regi av FTU som fekk gode tilbakemeldingar. To kommunar har blitt godkjent som Trafikksikker kommune, medan ei tredje har underteikna intensjonsavtale om å bli Trafikksikker kommune. Det har blitt delt ut store mengder refleksar til skular, barnehagar, politiet, helsestasjonar og privatpersonar.

**Økonomi:** Noko mindreforbruk. Det er overført tilsegn på kr 1,5 millionar til utbetaling i 2019

**Klima:** Kopling til satsinga på meir sykkel og gange

**Folkehelse:** Kopling til satsinga på meir sykkel og gange

**Regional planstrategi:** Fokus på trafikktryggleik, gode lokalmiljø og mjuke trafikantar

### Forslag til vedtak

Fylkestrafikksikringsutvalet (FTU) tek årsmeldinga og rekneskapen for FTU 2018 til orientering.

Ingrid Kristine Holm Svendsen  
kst. fylkesrådmann

Håkon Rasmussen  
fylkesdirektør samferdsel

*Saksframlegget er godkjent elektronisk og har derfor inga underskrift.*

## Fylkesrådmannen, 06.02.2019

### Årsmelding for fylkestrafikksikringsutvalet, 2018

Fylkesrådmannen legg med dette fram årsmelding og rekneskap for 2018 for Fylkestrafikksikringsutvalet i Hordaland (FTU). Fylkestrafikksikringsutvalet har i 2018 hatt fem ordinære møte i tillegg til to ekstraordinære møte.

I investeringsprogram for fylkesvegnettet vart følgjande tre særskilde satsingsområde for trafikksikringsarbeidet vedteke:

- Trafikksikringsarbeid i kommunane
- Møte- og utforkjøringsulukker utanfor tettbygde strok
- Mjuke trafikantar i regionsenter og langs skuleveg

FTU har i 2018 hatt stort fokus på trafikksikringsarbeidet retta mot kommunane og mjuke trafikantar langs skuleveg. Det har blitt arrangert fleire trafikksikringsarrangement for mjuke trafikantar langs skuleveg, i tillegg til at FTU har vore med å finansiere prosjektleiar for «Hjertesone»-prosjektet saman med Bergen kommune. Sund og Kvinnherad kommunar har blitt godkjende som Trafikksikker kommune, og Kvam herad har skrive under på intensjonsavtalen om å bli Trafikksikker kommune. Det er no seks godkjende kommunar i Hordaland. Austrheim, Vaksdal, Lindås og Bømlo kjem i tillegg til dei to som vart godkjende i året som gjekk.

I 2018 vart det gitt tilsegn på nesten 2,9 millionar gjennom dei tre tilskotsordningane til FTU, noko som har ført til stor aktivitet i heile fylket. Til no er 21 av 39 tiltak gjennomført, og det har blitt utbetalt omlag 1,3 millionar gjennom tilskotsordningane, det resterande beløpet er overført til 2019. I tillegg har FTU brukt pengar på å stimulere til aktivitet gjennom Trygg Trafikk, trafikksikringshallen, gjennom godkjenningsordninga «Trafikksikker kommune» og til den årlege trafikksikringskonferansen.

Prioriteringa av midlane til trafikksikringstiltak i Hordaland skal vise tilbake på dei særskilte satsingsområda for trafikksikring i investeringsprogrammet for fylkesveg. Midlane til FTU har gått til følgjande tiltak:

#### Tilskot til mindre fysiske trafikksikringstiltak i kommunane

I 2018 var det sett av 2 000 000 kr til mindre fysiske trafikksikringstiltak i kommunane. Det kom inn 29 søknadar om tilskot fordelt på 16 kommunar, samla søknadssum var på vel 6 millionar. 16 tiltak fordelt på ni kommunar fekk tilsegn om tilskot på til saman 2 millionar kroner. Tiltak det vart gitt tilsegn til er mellom anna fartshumar, lys, rekkverk, gangfelt og ny busslomme. Dei som har fått tilsegn kan etter avtale ferdigstilla tiltaket året etter tildelingsåret. Sidan tilskota vert utbetalt etter ferdigstilling av tiltaka, vert delar av ramma for tilskotsordninga overført til påfølgande år. Av dei som fekk tilsegn i 2018 er det utbetalt 524 500 kr etter at fire tiltak er gjennomført og har levert sluttrapport. I tillegg vart det i 2018 utbetalt midlar til fem tiltak som fekk tilsegn i 2017. Til 2019 vert det overført 1,4 millionar kr.

#### Tilskot til utarbeiding av kommunale trafikksikringsplanar

I 2018 var det sett av 330 000 kr til ordninga for tilskot til utarbeiding av kommunale trafikksikringsplanar. Ulvik og Askøy kommune fekk tilskot på til saman 330 000 kr for å utarbeide kommunale trafikksikringsplanar. Ulvik sin plan er ferdig og vedteken, medan Askøy sin er til politisk handsaming. Vedtak er venta i løpet av våren 2019. Gjennom «*Nasjonalt tiltaksplan for trafikksikkerhet på veg 2018-2021*» har fylkeskommunane forplakta seg til å jobbe for at alle kommunar skal ha ein oppdatert trafikksikringsplan, dette er ei god ordning for å stimulere til dette, men det er framleis mange kommunar i Hordaland utan oppdatert trafikksikringsplan.

#### Lokale trafikksikringsarrangement

I 2018 var det sett av 600 000 kr til tilskotsordning for lokale trafikksikringsarrangement. Det var tre tildelingar og midlane blei fordelt utover desse tre tildelingane basert på erfaringar frå tidlegare år. I løpet av 2018 kom det inn 21 søknader. Til saman blei det søkt om 724 000 kr, og gitt tilsegn på 584 000. Det har blitt utbetalt 446 980 kr til 15 tiltaka som har sendt sluttrapport. I tillegg vart det betalt ut 10 000 kr til eit arrangement som vart utsett frå 2017 til 2018. Nokre av arrangementa er utsett til våren 2019, og vil få utbetalt tilskot når sluttrapport er levert. På denne posten var det eit lite mindreforbruk.

#### Kurs og konferansar for kommunane

Den 14. november 2018 fant den årlege trafikksikringskonferansen stad på Scandic Ørnen i Bergen sentrum. Det møtte 80 stk på konferansen frå kommunane i Hordaland, Statens vegvesen, politi, Trygg Trafikk og privat næringsliv. Tema på konferansen var lokalt trafikksikringsarbeid i kommunane. «Nasjonal tiltaksplan for trafikksikring på veg 2018 - 2021» og ordninga «Trafikksikker kommune» fekk ei sentral rolle i programmet til konferansen. På konferansen vart trafikksikringsprisen for 2018 delt ut. Det vart gjort ei evaluering etter konferansen, der den fekk gode tilbakemeldingar.

Det var ikkje arrangert andre kurs, fagdagar eller konferansar i 2018 i regi av FTU. Difor var det eit lite mindreforbruk på denne posten.

#### Trafikksikringsprisen 2018

Trafikksikringsprisen 2018 gjekk til «GRL PWR» som består av ei gruppe jenter frå Kvinnherad kommune som starta ein kampanje og lagde ein film etter dei mange trafikkulykkene i Kvinnherad. I grunngjevinga for tildelinga vart det lagt vekt på at engasjement frå ungdommen sjølv er eit langt meir kraftig verkemiddel enn når vaksne står bak.

#### Trafikksikker kommune

Det var sett av 275 000 kr til stimuleringsmidlar til Trafikksikker kommune. Sund og Kvinnherad kommune vart i 2018 godkjende i ordninga. I tillegg har Kvam herad signert ein intensjonsavtale om å bli Trafikksikker kommune. Det vart nytta 175 000, med andre ord er det eit mindreforbruk på denne posten på 100 000 kr som vart omdisponert til innkjøp av refleksprodukt i FTU sitt møte 27.11.2018.

#### MC-forum

Statens vegvesen har inngått avtale med Norsk motorsykelunion (NMCU) om å saman arbeide for å få ned ulykkestala for mopedistar og motorsyklistar, og etablering av MC-Forum er ein del av dette samarbeidet. Satsinga er nedfelt i Nasjonal strategi for MC og moped 2018-2021. I tillegg til SVV består gruppa av representantar frå HFK, NMCU og politiet. MC-forum jobbar mellom anna med å arrangere trafikksikringsdag for motorsykkelførarar. MC-forum hadde 3 møter i 2018, der eit av møta var sett av til erfaringsutveksling med MC-forum i Vestfold.

#### Fylkeskommunalt trafikksikkerhetsforum

7.november 2018 var det oppstartsmøte for fylkeskommunalt trafikksikkerhetsforum i Lillestrøm. Alle fylkeskommunane i landet blei invitert og Hordaland fylkeskommune stilte med to representantar frå samferdselsavdelinga. Målet er å sikre godt trafikksikringsarbeid på tvers av landet, utveksle erfaringar og lære, både av kvarandre og eksterne innleiarar. Det var fokus på dei fylkeskommunale tiltaka i «Nasjonal tiltaksplan for trafikksikring på veg 2018 - 2021» på den fyrste samlinga. I den same tiltaksplanen er opprettinga av dette forumet nedfelt.

#### Aktivitetsmidlar til Trygg Trafikk

I 2018 fekk Trygg Trafikk tildelt 750 000 kr i aktivitetsmidlar. Det har vore godt samarbeid mellom Trygg Trafikk og Hordaland fylkeskommune i 2018. Trygg Trafikk si årsmelding for 2018 vert eiga sak i FTU til våren, og vil ta føre seg aktiviteten i året som gjekk.

#### Sykkelprosjekt, born og unge

Sykkelkids (tidlegare Alle Barn Sykler) fekk i 2018 70 000 kr frå FTU i driftstøtte. Sykkelkids driv med sykkelopplæring for barn og unge. Dette er eit initiativ frå Norges Cykleforbund. Dette opplæringstilbodet får svært gode referansar frå skular som har gjennomført opplegget.

#### Driftstilskot til Trafikksikringshallen i Hordaland

Trafikksikringshallen i Hordaland fekk 50 000 kr i tilskot frå FTU i 2018. Halvparten var driftsstøtte, medan resten av tilskotet var øyremerkt arrangement retta mot barn og unge. Trafikksikringshallen leverer eigen årsrapport til FTU.

#### Refleksprodukt, innkjøp

FTU kjøper kvart år inn store mengder refleks til utdeling. Politiet, Trygg Trafikk og helsestasjonar bidreg i utdelinga. Mykje av refleksane blir sendt til skular og barnehagar i heile fylket. Fylkeskommunen og Trygg Trafikk hadde eit felles arrangement på Torgallmenningen i samband med refleksdagen 2018. Der vart det delt ut store mengder refleks til frammøtte og forbi-passarande.

I budsjettet for 2018 var det sett av 150 000 kr til innkjøp av refleksar, mot slutten av året var det lite refleksar att, og på FTU sitt møte den 27.11.18 vart 100 000 kr omdisponert frå posten til *Trafikksikker kommune*. Til saman vart det brukt 245 175 kr på innkjøp av refleksar i 2018.

#### Arrangement retta mot russen

Kvart år blir det arrangert eit opplegg for russen i Grieghallen. Dette er eit fellesarrangement for russ i heile fylket. Frå 2018 er det FTU og Trygg Trafikk som står for arrangementet. Arrangementet fekk 140 000 kr i stønad. I tillegg har fleire vidaregåande skular fått midlar gjennom tilskotsordninga til lokale trafikksikringsarrangement for å arrangere trafikksikringsdagar på skulane. Omlag 3 000 russ møtte på arrangementet. I «Nasjonal plan for trafikksikring på veg 2018 – 2021» seier tiltak 54 at *Fylkeskommunene og Oslo kommune vil, i samarbeid med Trygg Trafikk, Statens vegvesen og andre samarbeidspartnere, arbeide aktivt med trafikksikkerhet i russetiden.*

#### Prosjektleiar Hjertesone, Trygg Trafikk Hordaland Fylkeskommune

Trygg Trafikk fekk 500 000 kr til prosjektstøtte og tilsetjing av ein prosjektleiar for Hjertesone. Hordaland har forplikta seg til finansiering av prosjektet i to år. Bergen kommune stiller med tilsvarande beløp til prosjektet.

#### Diverse

Det er sett av 50 000 kr til diverse i budsjettet. Dette har blitt brukt på medlemskontingent i Trygg Trafikk, deltaking på nasjonal trafikksikringskonferanse og annonsering av tilskotsordningane. Det var eit overforbruk på omlag 11 000 kr på denne posten, overforbruket skuldast annonsering.

Tabellen under viser budsjett og rekneskap for FTU

Prosjektpost	Budsjett	Rekneskap
Tilskot til lokale trafikksikringsarrangement	600 000 kr	446 980 kr
Tilskot til kommunale trafikksikringsplanar	330 000 kr	330 000 kr

Tilskot til mindre fysiske trafikksikringstiltak	2 000 000 kr	524 500 kr
Kurs og konferansar for kommunane	60 000 kr	49 836 kr
Trafikksikringsprisen	25 000 kr	25 000 kr
Trafikksikker kommune	275 000 kr	175 000 kr
Trafikksikkerhetshallen	50 000 kr	50 000 kr
Arrangement retta mot russen	140 000 kr	140 000 kr
Refleksprodukt, innkjøp	150 000 kr	245 175 kr
Sykkelprosjekt, born og unge	70 000 kr	70 000 kr
Aktivitetsmidlar, Trygg Trafikk Hordaland	750 000 kr	750 000 kr
Prosjektlear, hjertesone, Trygg Trafikk Hordaland	500 000 kr	500 000 kr
Diverse	50 000 kr	61 089 kr
<b>Total</b>	<b>5 000 000 kr</b>	<b>3 367 579 kr</b>
Tilskot til lokale trafikksikringsarrangement – tildelt 2017, utbetalt 2018		10 000 kr
Tilskot til mindre fysiske trafikksikringstiltak – tildelt 2017, utbetalt 2018		502 250 kr
<b>Utbetalt i 2018</b>		<b>3 879 829 kr</b>

Oversikt over dei ulike tilskotsordningane, 2018:

Vedtak	Lokale trafikksikringsarrangement 2018	Tilskot
20.02.2018	Askøy kommune	(Utsatt til vår 2019) 27 000 kr
20.02.2018	Bømlo kommune	30 000 kr
20.02.2018	Bømlo VGS	32 000 kr
20.02.2018	FAU Alversund skule	6 000 kr
20.02.2018	KnarvikMila (UngdomsMila)	40 000 kr
20.02.2018	Kvinnherad kommune, Undarheim skule	15 000 kr
20.02.2018	Odda VGS	5 000 kr
20.02.2018	Samnanger kommune	10 000 kr
20.02.2018	Stord kommune	30 000 kr
20.02.2018	Stord VGS	50 000 kr
20.02.2018	TSU Nordhordland	75 000 kr
05.06.2018	Kvinnherad VGS	(Mot tilsegn på 20 000 kr) 16 980 kr
05.06.2018	Deltaolav Undeland	(Utsatt til vår 2019) 18 000 kr
05.06.2018	Bømlo kommune	30 000 kr
05.06.2018	Kvam herad	(Avlyst) 24 000 kr
05.06.2018	Ettertankens dag i Hordaland	32 000 kr
05.06.2018	Hillestveit skule, Bømlo kommune	(Avlyst) 5 000 kr
05.06.2018	Os kommune	60 000 kr
05.06.2018	Rubbestadneset skule	(Utsatt til vår 2019) 30 000 kr
05.06.2018	Grasdal skule, Meland kommune	(Utsatt til vår 2019) 30 000 kr
27.11.2018	Kløvheim bygdelag	15 000 kr
	<b>Utbetalt per januar 2019</b>	<b>446 980 kr</b>
	<b>Overført til 2019</b>	<b>105 000 kr</b>

	<b>Avlyst og midreforbruk (overført til 2019 ramma)</b>	<b>32 020 kr</b>
	<b>Unyttede midlar</b>	<b>16 000 kr</b>
	<b>Total</b>	<b>600 000 kr</b>

	<b>Kommunale trafikksikringsplanar, 2018</b>	<b>Tilskot</b>
1	Ulvik herad	200 000 kr
2	Askøy kommune	130 000 kr
	<b>Total</b>	<b>330 000 kr</b>

<b>Mindre fysiske trafikksikringstiltak, 2018</b>	<b>Navn på tiltak</b>	<b>Tilskot</b>
ASKØY	Veglyst i henteområde ved skular	(Overført til 2019) 175 000 kr
ASKØY	Strusshamnvegen: gangfelt og fartsdemparar langs skuleveg	175 000 kr
BØMLO	Ny busslomme KV1130 Høvringsvikjo	175 000 kr
FITJAR	Kv19 Koløyvegen: veglyst	(Overført til 2019) 175 000 kr
FITJAR	Fv72 Lyspunkt Skardet – Selevik skule	(Overført til 2019) 175 000 kr
FITJAR	Tongabrekko, Rimbareidvegen: veglyst (strekning 250 meter)	(Overført til 2019) 175 000 kr
MELAND	Rekkverk langs kommunal veg Kv1035	(Overført til 2019) 110 000 kr
OS	Veglyst Tøsdalsvegen	(Overført til 2019) 175 000 kr
OS	Veglyst Velumsbrekkene/Håvardsvegen	(Mot tilsegn på 175 000 kr) 143 000 kr
OSTERØY	Rekkverk Hatland	(Avlyst <sup>1</sup> ) 21 000 kr
OSTERØY	Rekkverk Vevle	(Overført til 2019) 56 000 kr
OSTERØY	Veglyst frå Hosanger sentrum mot skulen	(Overført til 2019) 175 000 kr
OSTERØY	Rekkverk Hartveit	(Overført til 2019) 31 500 kr
RADØY	Fartshumpar Prestmarkvegen	31 500 kr
STORD	Intensivbelysning av gangfelt ved Rommetveit barneskule	(Overført til 2019) 105 000 kr
TYSNES	Veglyst Fv79 ved Tysnes omsorgsenter	(Overført til 2019) 70 000 kr
Utbetalt per januar 2019		<b>524 500 kr</b>
Overført til 2019		<b>1 422 500 kr</b>

<sup>1</sup> Tilsegna utgår då tiltaket vart innlemma i gang- og sykkelvegprosjektet på Hatlandsskiftet, som etter ekstraløyvinga til trafikksikring i juninget 2018, vart tildelt 4,5 mill. kr.

Ikkje utnyttta tilskot (overført til 2019- ramma)		<b>53 000 kr</b>
<b>Total</b>		<b>2 000 000 kr</b>

Tabellen under viser tilsegn til mindre fysiske tiltak som fekk redusert utbetaling eller utgjekk i løpet av 2018. Fire av desse vart overført frå tidlegare år. Midlane vert overført til ramma for tilskotsordninga i 2019.

<b>Mindre fysiske trafikksikringstiltak – midlar overført til 2019-ramma for tilskotsordninga</b>				
<b>Tildelingsår</b>	<b>Kommune</b>	<b>Tiltak</b>	<b>Merknad</b>	<b>Overført til 2019-ramma</b>
2016	Austevoll	Storebø. Utkøyring frå byggefelt. Utvida veg og utkøyring	Tiltaket utgår	70 000 kr
2017	Etne	Rekkverk Skånevik	Tiltaket utgår	84 000 kr
2017	Fjell	Fartshumpar og sikringstiltak ved Fjæreidevegen. Veglys Blombakkane.	Reduksjon i utbetalt tilskot	15 000 kr
2017	Osterøy	Hauge. Fartsdempande tiltak. Fartshumpar og nedsett fartsgrense.	Reduksjon i utbetalt tilskot	21 750 kr
2018	Os	Veglys Velumsbrekkene/Håvardsvegen	Reduksjon i utbetalt tilskot	32 000 kr
2018	Osterøy	Rekkverk Hatland	Tiltaket utgår	21 000 kr
			<b>Total</b>	<b>243 750 kr</b>